



ATA OFICIAL DI RUNION DI FORSA-TAREFA DI ADMISSON DI SKOLAS KU IZAMIS DI ENTRADA DI KOMITÊ ESKOLAR DI BOSTON

10 di Marsu di 2021

Forsa-tarefa di Admisson di Skolas ku Izamis di Admisson di Komitê Eskolar di Boston, realiza un runion virtual na dia 10 di marsu di 2021, 5h00 di tardi na Zoom. Pa más informason sobre kalker un di kes itens indikadu dibaxu, konsulta <https://www.bostonpublicschools.org/esataskforce>, manda un email pa feedback@bostonpublicschools.org ô txoma pa Skritório di Komitê di Skolas di Boston pa (617) 635-9014.

PRIZENSA

Menbrus di Forsa-tarefa di Skolas ku Izamis di Admisson presenti: Copresidenti Michael Contompasis; Copresidenti Tanisha Sullivan; Samuel Acevedo; Acacia Aguirre; Matt Cregor; Tanya Freeman-Wisdom; Katherine Grassa; Zena Lum; Zoe Nagasawa; Rachel Skerritt; Rosann Tung; i Tamara Waite.

Menbrus di Forsa-tarefa di Skolas ku Izamis di Admisson ausenti: Ninhun.

Funsionário di BPS presenti: Monica Roberts, Chefe di Avansu di alunos, Familias i Komunitadi; i Monica Hogan, Diretora Izekutivu Sénior di Skritório di Dados i Responsibilidadi.

DUKUMENTOS APRESENTADUS

[Agenda](#)

Atas di runion di 23 di Febreru di 2021

RUNION STA BEN KOMENSA

Sr. Contompasis, anuncia ma runion sta pa komensa. El anuncia ki servisus di interpretason di forma simultaniu staba dispunivel na Spanhol, Kriolu di Haiti, Kriolu di Cabo Verde, Vietnamita, Cantonese, Mandarin, Português, Somali, Árabe, i di Lingua Gestual Merkanu

(ASL); kada interprete introduzi ses kabesas i es fla kes prizentis na ses propi lingua, modi ki es pode troka kanal na Zoom pa es pode assessa interpretason di forma simultania.

Sra. Parvex lê nomi di menbrus. Tudu menbrus staba prizenti.

Sr. Contompasis pergunta menbrus ki staba ausenta na runion di 23 di fevereru pa introduzi ses kabesa pa publiku.

- Dr. Tanya Freeman-Wisdom, Diretor di skola John D. O'Bryant School of Math & Science
- Samuel Acevedo, Diretor Izekutivo na Sentru di Rekursus di Edukason Superior na Boston, copresidente di Komitê di Skolas di Boston i di Forsa-tarefa di Lakuna di Disenpenhu, i funsionário na Congregación León de Judá
- Acacia Aguirra, mãe di aluno di skola John D. O'Bryant School of Math & Science, i profissora na BPS
- Tamara Waite, mãe di dós alunos di BPS, i ki ta trabadja na Skritório di Benefisius di Saúde na Sidadi di Boston

APROVASON DI ATAS DI RUNION di 23 di Febreru di 2021

Aprovado – Forsa-tarefa aprova unanimamenti atas di runion di 23 di fevereru di 2021 Runion Organizasional di Forsa-tarefa di skolas ku izamis di admisson.

RESUMO DI DISKUSON

Sr. Contompasis fla ki Danyael Morales, aluno di BPS demiti se kabesa di Konedju Konsultivo di Studentes di Boston (BSAC) i Forsa-tarefa di admisson di skolas ku Izamis di Admisson. Distritu sta trabadja ku BSAC pa identifika otu aluno representante pa ser parte di Forsa-Tarefa.

Sr. Contompasis pergunta Sra. Sullivan pa da un atualizason na *Boston Parent Coalition for Academic Excellence Corp. v. School Committee of the City of Boston, et al* (Coalizon di Pais di Boston pa Corp Excelensia Akademica v. komitê Eskolar di Sidadi di Boston, et al). Sra. Sullivan splika ki staba un prosesu federal aberto na tribunal ki kontesta prosesu di admisson pa AL21-22 aprovado pa Komitê Eskolar di Boston. Un audiensa à distansia sta markadu pa proximo semana i juiz ta ben disidi si nu ta bai pa julgamento ô não. El enkoraja pesoas pa sisti audiensa à distansia, ki ta sta aberto pa publiku. El fra ma el kria dexa komunidadadi, pais, i alunos sabe ki apesar di prosesu aberto, prosesu di admisson staba inda ta avansa es ano, nu entantu konvites ka ta mandadu ti meadus di abril. El konklui ki trabadju di Forsa-tarefa ta kontinua, visto ki Komitê di Skolas dja enkaregaba es pa faze rekomendason relasionadu ku un prosesu más permanenti. Sr. Contompasis adisiona instruson di komu ki pesoas pode inskrevi pa obi audiensa judicial.

Sr. Acevedo pergunta sobre "amicus briefs" di komunidadadi apriendatu pa apoia disizon di Komitê Eskolar di Boston. Sra. Sullivan klarifika ki ninhun "amicus briefs" foi apresentadu ma ki deklarasons publiku foi fetu pa diferentis organizasons pa apoia BPS.

RUNION VIRTUAL DI FORSA-TAREFA DI SKOLAS KU IZAMIS DI ADMISSON

Zoom

10 di Marsu di 2021

Sr. Contompasis reviza programa pa runion di forsa-tarefa pa primavera. El lenbra publiku di sessions di konversas à distansia programado pa 13 di marsu 10 hora di palmanha na Zoom. El anunsia tanbê ki na runion di 16 di marsu, Sean Corcoran, Profesor Asociado di Pulítikas Publikas i Edukason di Universidadi di Vanderbilt, ta faze un apresentason sobre modelo di admisson di Chicago. Co-presidentes ta spera obi di otus distritos ki dja implementa es prusesu di admisson ku susesu, ki pode ser benéfiku pa Forsa-Tarefa.

KOMENTÁRIO DI PUBLIKU JERAL

- Louis Lui, studante di skola Josiah Quincy Upper i residenti di Dorchester, da tistimunhu sobre se sperienza di studa pa konsigi entra na un skola ku izamis di admisson.
- Alan Tian, residenti di West Roxbury i pai di aluno di 5ª serie, da tistimunhu kontra designason di skola basiadu na kodigo postal i a favor di teste MAP.
- Rachel Miselman, menbru, Kolison di pais di Boston pa Excelensia Akademika, i aluna antiga di skolas ku izamis di admisson, da tistimunhu sobre kualidadi di edukason na tudu skolas di BPS.
- Tom Song, residenti di Roxbury, da tistimunhu a favor di teste MAP.
- Eric Shi, residenti di West Roxbury i pai, da tistimunhu kontra designason di skola basiadu na kodigo postal i a favor di teste MAP.
- Emma Yang, residenti di Dorchester i mãe, da tistimunhu kontra designason di skola basiadu na kodigo postal.
- Lauren Thompson, da tistimunhu sobre kualidadi di edukason na tudu skolas di BPS i a favor di mudansas tenporarias pa AL 21-22.

KOMENTÁRIOS FINAIS:

Enkuantu ki copresidentes staba ta prepara pa konklui runion, Sra. Sullivan enfatiza modi ki é inportanti pa menbrus di Forsa-tarefa obi opinion, sugestons, i rekomendason di residentes di sidadi di Boston antes d'es komesa ses trabadju.

Sra. Sullivan konvida menbrus pa da ses komentário final ô faze pergunta si es teni. Sr. Gregor agradesi tantu kes ki tistimunya i kes ki interpreta. Sra. Skerri rekonhesi dós grupo di alunos di Skola Boston Latin ki ta furnesi splikason di grasa, ki foi mensionadu pa alunos di skola Quincy. Sra. Grassa mensiona un skola ku izami di admisson di Grand Rapids Michigan, ki muda ses pulitika di admisson i diversifika ses populason di studantes, ki ta parsi interessanti di ser analizadu. Sr. Tung mensiona dós dokumentarios sobre admisson seletiva pa liseus, un na Sidadi di Nova York i kel otu na San Francisco, ki é interesantes i debi ser visto.

FIN DI RUNION

Por volta di 18:10 di tardi, komitê vota unanimamenti, atraves di xamada di nomi, pa konklui runion.

Atesta:

RUNION VIRTUAL DI FORSA-TAREFA DI SKOLAS KU IZAMIS DI ADIMISSON
Zoom
10 di Marsu di 2021



Lena Parvex
Assistenti Administrativa